

Caferin tumwunun manaw faniten chon aia aninisin DACA

Poputa non November 1, 2024, chon aia aninisin DACA repwe elichipon ren OHP Bridge me Marketplace caferin tumwunun manaw.

Met ei Deferred Action for Childhood Arrivals (DACA, Angagen Anisi Seirit mi Wareto)?

DACA nge ew federal prokram a tumwunu ekoch aramas ra nomw non winipos nge ese wor nour taropwe ar resapw niwiniti fonuwer. Ekei chon wasena ra tori fonuwen United States nupwen ir mi chuen semirit. Chon aia aninisin DACA ra tongeni kut ar angang me no ngeni sukoon. DACA ese nomwofoch. Kopwe asofo sefani iteiten ruu ier.



Met ei Oregon Health Plan (OHP) Plus?

Ewe Oregon health Plan (OHP) nge an Oregon ewe Medicaid prokram iwe mei pwan pachonong Healthier Oregon. OHP Plus mi pwan suk ngenir semirit me aramas ese nifin ar porousen immikrason. OHP Plus mi caferini sefei, pekin ngii, me tumwunun nonomwun aramas. Chon apach ra tongeni pwan aia ekoch pekin aninis, awewe ren waa epwe nuker ngeni ar appointment ren sefei me ekoch aninisin pekin tumwunun manaw. OHP Plus ese kamo ngeni chon apach. Wewen pwe esapw wor premium, esapw wor inetin momon, esapw wor coinsur me ekoch dedakin momon.



Met ei OHP Bridge?

Oregon Health Plan (OHP) Bridge nge ew minafon aninisin caferin tumwun manaw mi suk ngenir aramas nour moni tonong mi kan nuseni ewe keukun OHP Plus. Mi suk ngeni chok ekewe mi elichipon ar porousen immikrason, iwe iei a pwan pachonong ekewe chon aia aninisin DACA. OHP ese caferini ika meeni momon ekewe aninis non fansoun nakatam ika climate, pekin imw, me anafun mwongo. Usun chok OHP Plus, OHP Bridge ese pwan kamo ngenir chon apach.



Met ei Marketplace?

Oregon Health Insurance Marketplace a anisi chon non Oregon ar repwe nenengeni me amasow ngeni ekewe private ototen insuren tumwunun manaw. Iei ei neenien ar chon amasow repwe tongeni angei aninis ren momon caferin tumwunun manaw. Ewe Marketplace a angang fengen me ewe state ar repwe emweni araams mi elichipon ngeni ekewe pekin aninisin OHP Plus me OHP Bridge. Mi suk ngeni chok ekewe mi elichipon ar porousen immikrason, iwe iei a pwan pachonong ekewe chon aia aninisin DACA.

Kapas eis?



855-268-3767



info.marketplace@oha.oregon.gov

Met ekei otot ra caferini?

OHP Plus, OHP Bridge, me ekewe ototen Marketplace ra awora ekoch aninis mi sokopat, mei pachonong:

- Chek-up ese kamo me sefeien epetin semwen
- Apwos
- Tumwunun non pioing (nuing nepwin me fisiitin ran)
- Tumwunun nounou me monukon
- Aninisin emerchensi
- Tesin lab, x-ray, me sefeien preskripson
- Ekewe aninsiin rehabilitason
- Tumwunun pekin mokur me echikaren chon aiangaw sefei
- Ar semirit pekin tumwunun ngii me maas

Ifa usun ai upwe amasow?

Ese nifin ia ka poputa me ia, repwe emwenuk ngeni ewe prokram a murino ngonuk. Mi kawor aninis non sokopaten fosun fonu. Meinsin keken relay mi ketiw.

OHP Plus me OHP Bridge:

- Online ren benefits.oregon.gov
- Ren omw kekeri 800-699-9075
- Non aramas ren [Oregon Department of Human Services \(ODHS\)](https://oregon.gov/odhs/) ofes (orhim.info/DHSoffice)

Caferin Marketplace tumwunun manaw:

- Online ren HealthCare.gov
- Ren omw kekeri 800-318-2596

Ia upwe poputa ia?

Aia ena pisekin Window Shopping omw kopwe kaieo tichikin ekei porous me aninisin iseis mi kawor ngonuk. Fisit ena pisekin aninis won OregonHealthCare.gov/WindowShop.

Ngang mi tongeni aia aninis?

Ewer! Mi wor ekana chon aninisin amasowen aplikason me insurens aagent repwe tongeni anisuk ne amasow ngeni ekei aninis. Kuta ekei neenien aninis non neeniomw ren OregonHealthCare.gov/GetHelp.